



Verneområdestyret
Setesdal Vesthei,
Ryfylkeheiane og
Frafjordheiane

Postadresse
Postboks 504
4804 ARENDAL

Besøksadresse
Garaneset, 4230 Sand

Kontakt
Sentralbord: +47 37 01 75 00
Direkte: +47

www.svr.no

Delegert vedtak

Odd Kjos-Hanssen
Gardavegen 24
4244 NESFLATEN

Arkivsaksnr: 2021/6123-0

Saksbehandler: Alf Odden

Dato: 24.06.2021

Utvalg	Utvalgssak	Møtedato
Verneområdestyret for SVR - delegert utvalg	75/21	
Verneområdestyret for SVR		

DELEGASJONSSAK RO 36/2021

Innvilga søknad om dispensasjon til ATV transport i Dyraheio landskapsvernområde og Holmavassåno biotopvernområde, gnr/bnr, 68/1, Suldal kommune – Odd Kjos-Hanssen

Viser til din søknad datert 22.06.2021 om ATV transport i samband med vedlikehald av ei hytte i Holmavassåno biotopvernområde. Forvalningssekretariatet for Verneområdestyret for Setesdal Vesthei, Ryfylkeheiane og Frafjordheiane har etter delegert mynde fatta det dette vedtaket 24.06.2021.

Med vennleg helsing

Alf Odden
Verneområdeforvaltar SVR

Brevet er godkjent elektronisk og sendast utan underskrift

Kopi
Suldal kommune, Statsforvalteren i Rogaland



Vedtak

I medhald i kapittel IV, punkt 3.1 i forskrift om vern av Dyraheio landskapsvernområde og kapittel VI, punkt 4 i forskrift om vern av Holmavassåno biotopvernområde, får Odd Kjos-Hanssen dispensasjon til å nytte ATV med belte til transport av utstyr og materialar i samband med vedlikehaldsarbeid på hytta ved Pytten.


Dispensasjonen gjeld for traseen til anleggsvegen Sandvatnet-Holmavatnet, frå første snøfond som dekker veggan og fram til Dam Holmavatnet.

Dispensasjonen gjeld for så mange transportar som nødvendig fram til vegen blir køyrbar med bil eller seinast til 01.08.2021.

Dispensasjonen blir gitt med desse vilkåra:

- Om det blir observert villrein etter køyeruta skal transportane avventast til det ikkje lenger er fare for forstyrring
- Dispensasjonen kan bli inndratt på kort varsel om omsynet til viltet skulle tilseie det
- Det skal sendast ein kort rapport med talet på gjennomførte transportar til SVR innan 15.08.2021

Kart over køyeruta i verneområda



Klagerett

Vedtaket kan pålagast til Miljødirektoratet. Klaga skal sendast til verneområdestyret for vidare handsaming. Klagefristen er 3 veker frå mottak av vedtaket. Alle partar med klagerett har rett til innsyn i saksdokumenta. Skrifteleg klage skal sendast til Verneområdestyret for SVR Pb. 788 Stoa, 4809 ARENDAL eller på e-post til sfagpost@statsforvalteren.no. Oppgi kva for eit vedtak det vert klaga på, dei endringane klagar ynskjer og grunngjeving for klaga. Dersom det vert klaga så seint at det kan vere tvil om det er klaga i rett tid, må det opplysast når brevet kom fram.



Bakgrunn for søknaden

Viser til søknad datert 22.06.2021 og tilleggsopplysninger på sms 24.06.2021.

Odd Kjos-Hanssen søker om dispensasjon til å bruke ATV med belte på anleggsvegen Sandvatnet-Holmavatnet som er delvis dekka med snø. Føremålet med motorferdsle er å transportere utstyr og materialar i samband med vedlikehaldsarbeid på hytta ved Pytten. Det søkast om dispensasjon fram til vegen er farbar med bil. Søkar opplyssar at det truleg vil være snakk om om lag 5 transportar.

Formell bakgrunn for vurdering og vedtak

- Forskrift om vern av Dyraheio landskapsvernområde av 26.09.1997
- Forskrift om vern av Holmavassåno biotopvernområde av 26.09.1997.
- Forvaltningsplan for verneområda i Setesdal Vesthei, Ryfylkeheiane og Frafjordheiane, godkjent 2015
- Naturmangfaldlova

Heimelsgrunnlag

Dyraheio landskapsvernområde med biotopvern vart oppretta ved kongeleg resolusjon 26.09.1997.I kapittel III i verneføreskrifta for Dyraheio landskapsvernområde heiter det at "*Føremålet med landskapsvernet er å ta vare på eit særmerkt fjellområde med urørt natur, rikt planteliv med m.a. bergjunker, verdifulle stølsområde og beitelandskap, eldre og nyare kulturminne etter støling, heibeiting, jakt, fiske og fangst. Føremålet er også å ta vare på viktige leveområde for viltet, spesielt å sikre eit samanhengande fjellområde og delar av livsgrunnlaget for den sørlegaste villreinstamma i Europa*".

Motorferdsle i Dyraheio blir regulert av verneføreskrifta sitt kapittel IV, punkt 3.1. Her heiter det at "*Motorisert ferdsel i utmark og i vassdrag er forbode. Flyging lågare enn 300 m over bakken og landing er forbode*". Vidare heiter det at "*Forvalningsstyresmakta eller den forvalningsstyresmakta gjev fullmakt, kan likevel gi løyve til motorferdsel i særskilde høve*".

Tiltaket det er søkt om kjem etter vårt syn inn under kapittel IV, punkt 3.1 i verneføreskrifta, og krev derfor dispensasjon etter kapittel IV, punkt 3.1, andre ledd for å kunne gjennomførast.

Holmavassåno biotopvernområde vart oppretta ved kongeleg resolusjon 26.09.1997.I kapittel III i verneføreskrifta for Holmavassåno biotopvernområde heiter det at "*Føremålet med biotopvernet er å sikre viktige trekkvegar for villreinen i fjellområdet mellom Kvanndalen landskapsvernområde og Dyraheio landskapsvernområde*".

Motorferdsle i Holmavassåno blir regulert av verneføreskrifta sitt kapittel IV, punkt 3. Her heiter det at "*Motorisert ferdsel i utmark og i vassdrag er forbode. Flyging lågare enn 300 m over bakken og landing er forbode*". Vidare heiter det i kapittel IV, punkt 4 at "*Når verksemda kan skje utan at det stir med føremålet med vernet, kan forvalningsstyresmakta eller den forvalningsstyresmakta gjev fullmakt, på nærmere vilkår gje løyve til: Motorferdsel i utmark og landing med luftfartøy*".

Tiltaket det er søkt om kjem etter vårt syn inn under kapittel IV, punkt 3 i verneføreskrifta, og krev derfor dispensasjon etter kapittel VI, punkt 4, for å kunne gjennomførast.



Verneområdestyret for Setesdal Vesthei, Ryfylkeheiane og Frafjordheiane har forvaltningsmynde for Dyraheio landskapsvernområde. Arbeidsutvalet har i AU sak 11/2013, delegert avgjerdsslemynde for dispensasjonssøknadar om motorferdsel etter verneføreskriftene til verneområdeforvaltarane.

Vurdering

Naturmangfaldlova

Etter § 7 i Naturmangfaldlova skal dei miljørettslege prinsippa i §§ 8 til 12 leggast til grunn som retningslinjer ved utøving av offentleg myndigkeit. Forvaltingsmyndigheita må ved alle tiltak som vedkjem naturmangfaldet, vurdere søknadane etter desse paragrafane.

Innverknad på verneverdiar og verneføremål

Den aktuelle køyrreruta går i eit ope høgfjellandskap om lag 950-1050 moh. Denne delen av Dyraheio og Holmavassåno blir regelmessig brukt av villreinstamma i området. Forstringsflokkane kjem til området på seinhausten og held seg i området fram til mars. Særleg områda i Gravetjørnnuten blir mykje brukt. Forstringsflokkane har og eit beitetrekks ned Sandvassbrekka mot Sandvatnet i tidsrommet 15. juni – 10. juli. Bukkane kjem og til området på seinhausten, men blir i området fram til slutten av august. Da går det eit markert trekk austover frå Gravetjørnnuten. Opplysnings om villreinen sin bruk av området er henta frå GPS-data for perioden 2006-2021 som er tilgjengelege i www.dyreposisjoner.no. I Norsk Villreinsenters rapport Kartlegging av villreinens arealbruk i Setesdal Vesthei-Ryfylkeheiene og Setesdal Austhei (NVS rapport 6/2010) er det registrert to villreintrekk mellom Gravetjørnnuten og Storhidlernuten.

Kunnskap om naturmangfaldet i området baserer seg og på Miljødirektoratet sin naturdatabase med innsyn til sensitiv informasjon (www.naturbase.no), samt tilsvarende informasjon i Temakart Rogaland. Så langt forvalningsstyresmakta kjenner til etter søk i Naturbase, er det ikkje registrert informasjonen om prioriterte arter, trua eller nær trua arter på Norsk rødliste for arter 2015 eller andre verdifulle arter. Det er heller ikkje informasjon om utvalde naturtypar, trua eller nær trua naturtypar på Norsk rødliste for naturtypar 2011 eller andre verdifulle naturtypar. Det er ikkje komme fram andre opplysnings som tyder på at det finns slike arter og/eller naturtypar i det aktuelle området.

Kunnskap om kulturminne i området baserer seg på Riksantikvaren sin kulturminnebase (www.askeladden.no), samt tilsvarende informasjon i Temakart Rogaland. Her er det ikkje registrert kulturminne som kan ta skade av motorferdsla det er søkt om.

Kunnskapsgrunnlaget (§8) som ligg føre for å vurdere dei omsøkte tiltaka si innverknad på verneverdiar og verneføremål, må derfor vurderast som godt. §9 om "Føre var prinsippet" vil derfor bli tillagt mindre vekt i dei følgjande vurderingane.

§10 tek føre seg den samla belastninga av økosystemet i området. Områda mellom Sandvatnet og Holmavatnet er sterkt påverka av Røldal-Suldal reguleringa. Sandvatnet har ei reguleringssone på 26 m samt ytterlegare 5 m fram til 10. juli 2021. Holmavatnet har ei reguleringssone på 12 m. Ved utløpet av Holmavatnet ligg det to betongdammar, eit riggområde og eit lukehus/naust. Her ligg også den private hytta Pytten. Det går ein anleggsveg opp til Holmavatnet frå Sandvatnet, og to 300 kW kraftlinjer går gjennom området.



I juni og juli vil ferdsla på anleggsvegen og den umerka stien over Gravetjørnsnuten være relativt avgrensa. Basert på teljingar i 2019 vil det være snakk om om lag 130 passeringar i tidsrommet 20. juni – 1. august. Fordelt på 30 fotturistar og 100 passeringar med bil.

Etter forvaltningsstyresmakta si vurdering, må derfor den samla belastninga på økosystemet i området, frå tekniske inngrep, ferdsel og motorferdsel, karakteriserast som høg.

Motorferdsla med ATV som det er søkt om vil ha eit avgrensa omfang (om lag 5 transportar).

Transportane vil og bli gjennomført før anleggsvegen er køyrbar slik at det er lite anna motorferdsel i område. Motorferdsla det er søkt om vil derfor ikkje innebere ein kritisk auke i den samla belastninga på naturmangfaldet i området.

§12 omhandlar miljøforsvarleg teknikkar, driftsmetodar og lokalisering. I høve til transportbehovet som er skissert i søknaden, vurderer forvaltningsmyndigheita bruk av ATV med belte som det beste alternativet. Da det er vanskeleg og avgjere kor lenge anleggsvegen blir stengt av snøen, blir det gitt eit ope løkke.

§11 legg til grunn at eventuelle kostnader ved miljøforringing skal bærast av tiltakshavar. Tiltakshavar er fullt og heilt ansvarleg for ei miljømessig god løysing.

Konklusjon

Den aktuelle motorferdsla vil berre i liten grad ha ein negativ innverknad på verneverdiene i Dyraheio landskapsvernområde og Holmavassåno biotopvernområde, og kjem ikkje i konflikt med verneføremålet.